

- 1 維黃初元年冬十月辛未、
- 2 皇帝受禪于漢氏。上稽儀極、下考前訓、書挈所錄、帝王遺事。義莫顯於禪德、美莫盛於受終、故書陳納于大鹿、傳稱歷□□□□。
- 3 是以降世且二百、年幾三千、堯舜之事、復存于今。允皇代之上儀、帝者之高致也。故立斯表、以昭德□義焉。
- 4 皇帝體乾剛之懿姿、紹有虞之黃裔。九德既該、欽明文塞。齊光日月、材兼三極。及嗣位
- 5 先皇、龍興饗國、撫柔烝民、化以醇德。崇在寬之政、邁愷悌之教、宣重光以照下、擬陽春以播惠。開禁倉、散滯積、豕臣□□、□□□
- 6 之錫。衆兆陪臺、蒙賙餼之養。興遺勳、繼絕世、廢忘之勞、獲金爵之賞、襁褓之孤、食舊德之祿。善無微而不旌、功無細而不□。□□
- 7 戎士、悲矜庶獄、罷戎役、焚丹書。囹圄虛靜、外無曠天、玄澤雲行、□不沾渥。若夫覆載簡易、剛柔允宜、乾之德、陰陽□□□。□□
- 8 □類、育物奮庸、造化之道、四時之功也。寬容淵■、恩洽羣黎。皇戲之質、堯舜之姿也。孜孜業業、邁德濟民。伯禹之勞、□□□□。
- 9 叡智神武、料敵用兵。殷湯之略、周發之明也。廣大配天地、茂德苞衆聖。鴻恩洽於區夏、仁聲播於八荒。雖象胥所□□□□□□
- 10 和而來王。是以休徵屢集、和氣烟■、上降乾社、下發々珍。天關啓闈、四靈具臻。涌醴橫流、山見黃人。所以顯受命之□□、□□□
- 11 之期運也。其餘甘露零於豐草、野蠶繭於茂樹。嘉禾・神芝・奇禽・靈獸・窮祥極瑞者、■月之間、蓋七百餘見。自金天以□□□□□□、
- 12 嘉祥之降、未有若今之盛者也。是以漢氏觀曆數之去己、知神器之有歸、稽唐禪虞、紹天明命、釐嬪二女、欽授天位。
- 13 皇帝謙退、謙德不嗣、至于再至于三。於是羣公卿士僉曰、
- 14 陛下聖德、懿侔兩儀、皇符昭晰、受命咸宜。且有熊之興、地出大螻、夏后承統、木榮冬敷。殷湯革命、白狼銜鉤、周武觀□、□□□□。
- 15 方之今日、未足以喻。而猶以二至之慶、寵神當時、紹天即祚、負依而治。況於大魏靈瑞若茲者乎。蓋天命不可以辭□、神器不可
- 16 以意距、大統不可以久曠、萬國不可以乏主。宜順民神、速承天序。於是
- 17 皇帝乃回思遷慮、旁觀庶徵、上在璇機、筮之周易、卜以守龜。龜・筮襲吉、五反靡違。乃覽公卿之議、順皇天之命、練吉日□□□□。□
- 18 唐典之明惠、遵大鹿之遺訓、遂於繁昌、築靈壇、設壇宮、■圭璧、儲犧牲。延公侯、卿士、常伯、常任、納言、諸節、嶽牧、邦君、虎□□□□□、
- 19 匈奴南單于、東夷・南蠻・西戎・北狄、王侯・君長之羣、入自旗門、咸旅于位。
- 20 皇帝乃受天子之籍、冠通天、襲袞龍、穆穆皇皇、物有其容。上公策祝、燔燎■■、告類上帝、望秩五嶽、烟于六宗、徧于羣神。□□□
- 21 晏、祥風來臻。詔乃有司、大赦天下、改元正始。開皇綱、闡帝載、殊徽幟、革器械、脩廢宮、班瑞節、同律量衡、更姓改物。勒崇垂鴻、創□
- 22 作則。永保天祿、傳之罔極。